

欽定平定教匪紀略

欽定平定教匪紀畧

總裁總纂提調收掌纂修諸臣職名

總裁

經筵講官太子太保領侍衛內大臣東閣大學士管理稽察欽奉

上諭事

臣托津

處戶部理藩院宗人府銀庫御藥房太醫院鑾儀衛自旗滿洲都統

咸安宮

崇善堂唐古特托忒學園開官軍務國史館會典館清字經館總裁

臣董誥

經筵講官太保、支華殿大學士文淵閣領閣事管理刑部事務

稽察欽奉 上諭事件處 尚書房行走世襲騎都尉

太子少保協辦大學士兵部尚書管理順天府事務 臣章煦

經筵講官太子少保文淵閣提舉閣事吏部尚書總管內務府大臣管理奉

臣英和

宸苑酒務園等處 咸安宮員外洋筆事務正藍旗滿洲副統步軍統領

經筵講官太子少保戶部尚書國史館正總裁臣盧蔭溥

總纂兼提調官

鴻臚寺卿今陞直隸布政使臣姚祖同

刑部郎中今陞江西建昌府知府臣梁承福

禮部郎中臣王鳳翰

兵部郎中臣程同文

提調官

通政司叅議今陞去檄巡撫臣康紹鏞

理藩院郎中兼公中佐領臣德寧額

戶部郎中兼公中佐領臣武爾通阿

戶部銀庫員外郎臣重倫

收掌官

泰陵員外郎前理藩院司務臣廷勲

理藩院員外郎臣昌熾

戶部員外郎兼纂修官臣安誠

戶部郎中現任陝甘學政臣蘇兆登

吏部員外郎兼纂修官臣趙盛奎

戶部員外郎兼纂修官臣張允垂

纂修官

翰林院侍讀學士今陞內閣學士兼禮部侍郎臣吳其彥

詹事府右春坊右中允臣龔守正

戶

部

郎

中臣葉繼雯

戶

部

郎

中臣吳書城

工

部

郎

中臣徐鏞

刑

部

主

事臣楊振麟

協修官

兵

部

員

外

郎臣沈學廉

工

部

主

事臣吳孝銘

校對官

內

閣

中

書臣袁紹安

內

閣

中

書臣李秉灝

內

閣

中

書臣魏茂林

內

閣

中

書臣童宗顏

內

閣

中

書臣趙廷熙

內

閣

中

書臣梁慎猷

內

閣

中

書臣端木坦

內

閣

中

書臣鄭延槐

內

閣

中

書臣李嗣鄴

內

閣

中

書臣徐瀚

內

閣

中

書臣張梧

內

閣

中

書臣徐新

內

閣

中

書臣張延閔



內閣

中

書

臣蘇應珂

內閣中書今授翰林院編修臣裘元善

內閣中書揀發雲南知州臣王鼎文

內閣中書今改歸班知縣臣王九如

欽定平定教匪紀畧目錄

卷首

御製序

天章

卷一

嘉慶十八年九月乙亥至戊寅

卷二

嘉慶十八年九月巳卯至庚辰

卷三

嘉慶十八年九月辛巳

卷四

嘉慶十八年九月壬午至癸未

卷五

嘉慶十八年九月甲申至丙戌

卷六

嘉慶十八年九月丁亥至己丑

卷七

嘉慶十八年九月庚寅至癸巳

卷八

嘉慶十八年十月甲午至乙未

卷九

嘉慶十八年十月丙申至辛丑

卷十

嘉慶十八年十月壬寅至乙巳

卷十一

嘉慶十八年十月丙午至巳酉

卷十二

嘉慶十八年十月庚戌至癸丑

卷十三

嘉慶十八年十月甲寅至戊午

卷十四

嘉慶十八年十月己未至辛酉

卷十五

嘉慶十八年十月壬戌至十一月甲子

卷十六

嘉慶十八年十一月乙丑至戊辰

卷十七

嘉慶十八年十一月己巳至壬申

卷十八

嘉慶十八年十一月甲戌至丙子

卷十九

嘉慶十八年十一月丁丑至辛巳

卷二十

嘉慶十八年十一月壬午至甲申

卷二十一

嘉慶十八年十一月丙戌至丁亥

卷二十二

嘉慶十八年十一月戊子至癸巳

卷二十三



嘉慶十八年十二月甲午至巳亥

卷二十四

嘉慶十八年十二月庚子至甲辰

卷二十五

嘉慶十八年十二月乙巳至丙午

卷二十六

嘉慶十八年十二月丁未至巳酉

卷二十七

嘉慶十八年十二月庚戌至癸丑

卷二十八

嘉慶十八年十二月甲寅至戊午

卷二十九

嘉慶十八年十二月己未至庚申

卷三十

嘉慶十九年正月丙寅至壬申

卷三十一

嘉慶十九年正月癸酉至庚辰

卷三十二

嘉慶十九年正月辛巳至戊子

卷三十三

嘉慶十九年正月己丑至辛卯

卷三十四

嘉慶十九年二月壬辰至丁酉

卷三十五

嘉慶十九年二月己亥至壬寅

卷三十六

嘉慶十九年二月癸卯至辛亥

卷三十七

金匱要略卷之四  
嘉慶十九年二月甲寅至壬戌

卷三十八

嘉慶十九年閏二月癸亥至甲申

卷三十九

嘉慶十九年閏二月丁亥至三月己酉

卷四十

嘉慶十九年三月庚戌至五月庚子

卷四十一

嘉慶十九年五月辛未至二十年十二月戊寅

卷四十二

嘉慶二十一年正月壬寅至六月辛亥

欽定平定教匪紀畧卷首

御製文

予承

考命撫有萬方元年正月白蓮教起於襄鄖蔓延陝蜀  
八年之久幸獲平安方期與天下臣民永享太平休  
養生息孰意又釀成八卦教匪蔓延三省潛匿京畿  
大逆林清自十六年夏月卽約李文成馮克善併齊

金史卷一百一十五 世宗本紀一  
豫教匪於十八年九月十五日同至京都造逆朕毫  
無見聞實同聾聵感泣之外無可言矣內外臣工清  
夜捫心自問欲爲忠良乎甘爲庸劣乎亦不忍屢加  
訓飭好自爲之可也此次異變君臣皆無所逃罪毫  
無弭亂之策全荷

天恩垂佑救我君臣黎庶予遭家不造值國多艱深感  
帝慈敬述實事使後世子孫臣庶曉然知予因循之咎



致令萬姓罹禍而內外臣工之功過心術之公私

天鑒在上不必論矣先是山東拏獲崔士俊卽行正法  
河北拏獲李文成旋被刼脫二省教匪不能北來黃  
興宰等卽戕官刼獄佔據滑縣長垣繼起曹縣定陶  
俱遭蹂躪然林清外援全斷賊勢已孤此

天恩垂佑者一也

逆首林清住居宛平縣之朱家莊私習八卦教又稱白洋教又改名天理

會勾結匪徒蔓延齊豫遂與滑縣李文成馮克善東  
明徐安惻等結盟謀叛嘉慶十六年夏卽約定於十

八年九月十五日乘予舉行秋獮大典巡幸木蘭糾衆直搶禁城肆圖不軌本年秋李文成事覺經滑縣知縣強克捷擒拏刑訊監禁於是賊黨不能待期先於九月初七日戕官刼獄佔據縣城同時長垣縣葦園村亦有教匪戕官滋事並分股直趨河南考城山東曹縣一帶十二日予回蹕駐兩間房經直隸總督溫承惠面奏卽命伊爲欽差大臣率巴圖魯侍衛蘇爾慎等偕提督馬瑜帶兵剿捕並檄陝西提督楊遇春星馳至豫協剿十五日移駐髻髻山山東巡撫同興先後奏報定陶曹縣皆陷又派江南徐州鎮總兵沈洪帶兵赴東迎剿迨翼日白澗途次卽據留京王大臣飛奏知有禁城之變因將步軍統領吉綸左翼總兵王麟禔職卽命英和爲步軍統領偕尙書托津回京查辦一面飛調陝甘總督那彥成馳往河南接

辦軍務又先後派西安副都統富僧德帶馬隊兵至  
豫協剿大同鎮總兵張績帶兵至澤潞一帶防堵彼  
時如李文成不先破案畿外兵弁尙未檄調則逆黨  
糾合前來中外響應其事不可言矣此實仰賴

上蒼之垂佑  
於始事者也

今歲舉行秋獮於八月二十日進布克

崖口秋高氣爽草茂溪平方欣可行十三四日圍期  
用成大典忽於是夕大雨滂沛直至二十三日始霽  
溪流泛漲山嶺泥淤僅行五圍卽還山莊彼時細思  
不解何故續知皇次子用鎗退賊之事始恍然悟矣

若依期行圍出哨又遲十餘日皇子等不能還京若  
尚未還京則踰垣二賊直犯官庭孰能擊退錫封智  
親王非愛子之私情實公義也保衛大內豈意料所  
及乎此

天恩垂佑者二也

本年秋猶於八月二十日進哨原定  
舉行十三圍於九月初五日出哨回

蹕進哨之夕陡遇暴雨三晝夜溪漲泥深不能佈圍  
雨晴後僅行五圍卽改由中哨門伊瑪圖口回駐山  
莊隨圍皇子因於出哨之日先期啟程回京十五日  
賊黨犯關時有劇賊上隆宗門外迤北大牆意圖直

犯宮寢時皇次子皇三子在書房聞警卽持弓箭烏鎗前至防衛見登牆之賊勢甚鴟張經皇次子手斃二賊餘賊始皆他竄宮寢無虞予因錫封皇次子爲智親王實爲國家酬庸非由私愛倘如常年依期出哨則皇子等尙未還京孰與保衛大內是兩阻行圍正欲使皇子等歸定大難豈非冥漠中之默垂

啟牖

九月十二日至兩間房總督溫承惠面奏教匪

起事卽命偕提督馬瑜馳往剿捕長垣賊匪河南命署巡撫高杞山東命巡撫同興各帶兵剿捕本境賊匪十五日同興奏報訊據崔士俊等供出八卦總教

首劉林卽林清在京城黃村宋家莊居住十六日至  
白澗始知禁城之變卽命步軍統領英和馳回嚴拏  
巨惡而逆賊已知事敗奔回餘黨勸伊逃避伊仍待  
外援安坐不動遂得生擒大逆邪慝漸除此

天恩垂佑者三也

溫承惠面奏之後節經命將督兵分  
投剿捕嗣據同興奏報拏獲崔士俊

張建木等訊出教首劉真空一名劉林又稱林姓現  
在京南傳教而京城亦究出首犯林清住址黨與是  
時林清已知事敗若聽從逆黨之言卽時逃竄則弋  
獲必不能如此迅速乃竟守待外援安坐不動英和

於十六日晚刻至京遴委幹役連夜出城天甫黎明  
卽將林清並同居逆屬安住董惻太同時拏獲林清  
爲各路首逆渠魁旣已被擒其餘黨自皆星散復經  
刑部先後訊出從逆各犯搜捕伏法無一得免刑誅  
豈非 天奪其魄  
使奸宄束手就擒耶 逆賊蓄謀已逾二載白洋紅陽

二教雜種互相勾結倡爲劫運邪說林逆又串通看  
守宮門之內監劉得財高廣幅等八名逆賊帶領陳  
爽等突入東華門幸護軍等奮力攔阻僅止六七名  
進內餘賊因門已閉俱各奔逃其時混入蒼震門二

賊卽被太監用棍打倒細縛交出門外五賊立時殲擒此東華門之情形也同時高廣幅帶領陳文魁等七八十名逆賊突入西華門倉猝之間護軍未能攔阻多被殺傷衆賊將門關閉阻住官兵先奔至尙衣監文穎館戕害匠役人等幸有一二刻耽延隆宗門內右門始得關閉衆賊旣不得入一賊竟登板房爬上大牆欲入大內恰值皇次子在養心門外持鎗防



守卽用鎗擊斃墜落牆外續又有執旗一賊上牆皇  
次子又擊斃之餘賊始驚潰不敢踰牆逕至隆宗門  
攻打放火火未及燃而儀親王成親王莊親王綿課  
等帶領各營官兵全由神武門而入遂鎗打箭射刀  
砍矛戳應手殲擒賊勢渙散此

天恩垂佑者四也

賊匪等勦立會名有白洋紅陽二教  
其經卷皆極鄙淺惟以劫運邪說煽

惑愚民其始假託行善陰藉斂錢其繼勾結多人潛  
圖不法林清又串通內監以爲內應此等內監身受

參養深恩乃竟敢於反噬所謂狗彘不如尤堪髮指  
遂致變生倉猝喋血宮庭林清等非恃有內援豈敢  
遽行猖獗然事幾之危亦甚矣幸賴皇次子膽識俱  
全諸王大臣忠勇各盡得以悉數殲除又經貝子奕  
紹擒獲賊目陳爽究出從逆太監劉得財等姓名托  
津英和飛啟皇子逐名搜縛迨十九日予進宮後復  
經巡城御史緝獲賊線究出楊進忠等此等事  
機間不容髮謂非上蒼之默有以相之哉王大  
臣官兵竭力搜捕直至半夜

天忽降大雨迅雷震擊二賊墜落河內餘賊相率投河  
者甚衆又有藏伏午門樓上者盡數細縛無一漏網

而欲爲內應數賊失魂喪魄戰慄驚惶皆按名束手就縛盡行伏法經一晝夜首從悉擒城市安堵痛定思痛感深五內此

天恩垂佑者五也

方逆黨突入官兵搜捕喫緊之時逆等恃夜潛藏希圖竄逸夜半時震電

疾雷驟雨忽至有二賊陡被轟擊墮落武英殿前御河中逆等勢旣窮蹙投河自戕者甚多又有藏伏午門樓上者亦皆搜捕無遺據所獲活賊供稱於閃電中親見關帝顯神遂覺心膽俱喪是以事定後曾特遣皇子至雷神廟時應宮關帝廟行禮仰邀阿護之靈實亦天心之眷注也近畿有

此大逆督臣罪豈能逃因降調溫承惠改授那彥成  
除先調直隸兵五六千名又調西安馬隊二千京兵  
一千吉林一千黑龍江一千各路兵未抵滑縣之前  
賊匪連陷定陶曹縣巡撫同興運使劉清副都統銜  
蘇爾慎督率官兵轉戰四次生擒賊目六十七名殲斃  
賊匪四五千名旬日之間東省安定而直隸官兵殲  
斃賊匪一千七八百名河南署巡撫高杞督率官兵

生擒僞大王蔡成功僞宰相徐夢林殲斃賊匪三千四百餘名於是衆賊皆聚於滑縣城中及道口桃源等處此

天恩垂佑者六也

禁城逆黨雖盡殲擒而畿南奸匪跳梁急須撲滅溫承惠身任總督於所

屬地方叛逆重案不能先事翦除咎有應得因將伊降爲五品頂帶專辦糧臺卽授那彥成爲欽差大臣直隸總督統率各路官兵會同山東河南巡撫協力誅剿先於九月二十六日據高杞奏報官兵抵濬縣後將賊匪殲獲甚多生擒僞大王蔡成功僞宰相徐夢林至十月初六日復據同興奏報賊匪屯聚定陶

城外韓家大廟經運使劉清叅將馬建紀等分路剿殺拏獲教首趙文祿及偽二大王蕭保均溫承惠未接諭旨之前統兵入滑濬境內將留固村及北湖南湖一帶屯匪痛剿亦於次日奏到初八初十十二等日同興又奏曹定賊匪屯聚扈家集經劉清等攻擊焚燒生擒偽副元帥王奇山將該處賊巢全燬隨又進剿安陵集劉家岡等處經副都統銜蘇爾慎等帶馬隊官兵攻圍追捕生擒賊口曹光輝射斃偽元帥袁興邦偽大將軍周姓又都司曹添章一路平剿賊巢三處於是曹定賊匪殲除殆盡其有在開州長垣東明一帶滋擾者經予先派馬瑜富蘭帶直隸兵前往搜捕又派總兵閆俊烈帶山東兵協同蘇爾慎赴直迎剿又諭兩江總督百齡安徽巡撫胡克家嚴防本境制其南竄之路於是衆賊自滑城及道口桃源

二處外不致再有滋蔓軍旗所指電掃  
風馳此尤仰荷 默佑於無盡者也

廟

社至重遭此奇變不得不亟還京邸遙望

山陵痛告衷曲於十九日巳刻乘馬入城人心大定名  
見皇子諸王大臣備悉其故乃有進爵加封從優議  
敘官兵普給錢糧隨扈守護一體施恩大宛二縣普  
免租賦之旨而因循疲玩及年邁尸位之大臣實不

能再姑息矣革職者吉綸等八人革職遣戍者楊澍  
曾等三人休致者慶桂等六人官兵黜革發遣者數  
十人廷訊林清備悉賊情是月共正法者九十餘名  
續擒正法者又七十餘名緣坐發遣者二百餘名刑  
亂國用重典朕實無可奈何矣乃於無意中從犯董  
帽太供出都司曹綸與林清結盟造反欲爲林清之  
一二品大臣親審之時供認不諱此又奇之最奇非



人類矣漸使根株淨絕餘孽消除此

天恩垂佑者七也

予初於啟蹕時卽降旨回蹕恭謁東陵不意官庭突有此變因思

宗廟

社稷所關至重遂由白澗逕卽回京未

能復展霜露私忱

在天之靈自當鑒此衷曲入

城後見宮禁肅清居民安堵予心稍安細思患生肘

腋禍積平時中外臣工怠玩習成以致遽此變亂皆

不能以無罪故除行在扈從及在內捕賊諸王大臣

官員分別各加恩賚外大宛二縣民人猝遇非常不

無擾累亦特加以寬卹其餘年老備位諸臣雖從前

職司綸綍曾著舊勞亦第給以祿精勿令久居賢路

其素日不能飭勵所屬之員或視職或遣戍各如其

罪至於緝獲逆徒旣已研鞫得實卽加誅殛神人共

憤覆載不容雖草薤禽獮不嫌已甚也尤可駭者獨石口都司曹綸平日與林清謀爲叛逆初無一人覺察忽於從犯董惻太口中供出隨即收拏廷訊伏法伊世受國恩甘心從賊天監在上豈容倖逃從此蠱賊內訌消除漸淨實

咸

吳恩益增寅畏矣

十月八日那彥成已抵衛

輝因待兵齊跡同觀望而直隸開州一帶仍有餘賊因命尙書托津馳赴直隸邊界督率官兵剿捕旋據奏報殲賊匪三千五六百名投出良民一千四百餘名二十二日那彥成進兵卽殲戮千餘人次日又

殲斃道口賊匪一千五百餘名投出良民千餘名二  
十八日又殲戮千餘賊匪仲冬朔日大振軍威攻得  
道口殲斃一萬餘名生擒三百八十餘名投出難民  
八九千人續將桃源之賊殲斃一千三百餘名遂將  
滑縣四面圍定此

天恩垂佑者八也

曹定濬三縣之賊雖已剿洗其盤踞  
滑城內外者人數尙多所調各路兵  
尙未到齊那彥成因此守待據署直隸總督章煦奏  
開州長垣東明一帶餘匪亦未能淨因命托津前往

查辦十月二十二二十八等日先後接那彥成楊遇春奏剿斃道口附近各寨賊匪放出良民殲獲甚衆至十一月初一日那彥成等又奏逆匪盤踞道口官兵分爲七路於二十七日卯刻同時進剿時有滑城之賊二千人前來救應官兵立即截回乘勢焚燒滑縣南關賊匪不敢復出將道口賊巢全燬初六日又奏桃源賊匪意圖衝突入城城中又出賊二千餘人接應經官兵痛加截剿乘勢焚燒北郭其時桃源餘匪復竄入開州東明地境而滑城外之留固集八里營石佛鋪等處開州接連滑境之湯二莊東湖西湖諸處尙有賊匪與滑城爲犄角之勢那彥成等先擒獲賊目史永固何永新女賊目宋陳氏及夥賊多名又經馬瑜等於開州界內殲擒賊目邢全忠孔傳文郭明山并男婦大小多名口自此邊界淨盡遂得專

事滑城四面圍剿此又仰賴

天庥使官兵得以隨時奏績也

未圍滑縣之前數

日逆賊劉暢明潛將首逆李文成併千餘夥賊接出  
由長垣封邱輝縣招集餘黨二三千名肆行焚搶而  
那彥成因圍滑縣不能兼顧卽派楊芳特依順保帶  
兵追剿其時色爾滾德寧阿帶吉林黑龍江勁旅適  
至遂追至輝縣山內之司寨德寧阿等分兵埋伏誘  
賊入穀痛剿竟日誅擒三千餘賊李文成仍踞寨內

官兵挖毀寨牆奮勇直入生擒殲戮者八百餘名劉  
綢明中鎗擊斃李文成舉火自焚詳認逆屍的確無  
疑屍傍有旗大書大明天順李真主七字此賊爲林  
逆外援首先造逆兩月以來傷害良民數萬咸荷

昊慈廓清疆邑佇待克復滑縣僅止搜捕零匪辦理撫  
卹諸事矣京師搜擒逆黨伏法者二百餘名謠言紛  
起大半子虛間有出乎意外者如奉天拏獲王士青

訊有外城之高張氏巡城御史緝獲銷買竊賊之張  
志玉究出邪匪王發賢署直隸總督章煦拏獲逆犯  
楊遇山究出卦首部生文之孫部坦照或用八卦字  
面輪流作會或踵習邪教卽非逆黨亦係亂民又有  
自禁城內逃出之田起祿亦不能漏網立置重典類  
此者殆無虛日此

天恩垂佑者九也

道口桃源賊匪日就翦滅逆等勢蹙  
急圖他遁有竄往封邱新鄉諸處者

皆經官兵搜捕李文成自出獄後潛匿城中養傷逆黨劉幗明因將該逆接出招集匪徒欲由輝縣林縣等處竄入山右經河南巡撫方受疇暨章煦先後奏報隨飭山西巡撫衡齡嚴密防堵時東省勁旅適至又令高杞帶同色爾滾等前赴輝縣與富僧德楊芳張績合力剿辦又飭廣平府州縣速練鄉勇以堵爲剿十一月二十四日那彥成等奏到李文成同夥賊四千餘人竄入輝縣山內之司寨據險屯聚經德寧阿特依順保色爾滾楊芳分兵設伏誘賊下山痛加剿殺自辰至酉方止李文成等猶據寨內次日官軍復集併力圍攻毀牆直進且戰且焚劉幗明李文成同時授首渠魁極惡速就刑誅其餘散匿黨徒雖遠在各省無不敗露擒獲天佑善類俾皆早獲安寧而予小子亦得承渥貺感何如之今秋



事出非常不得不嚴行緝捕以淨根株然藉此陷害  
報復私怨實不能保其必無也現訊出散旗糾衆之  
李秋勾結朱躍澧之馮克善反情已露豈可不加察  
辦仍留隱憂乎間有二三案審虛委係無辜卽行省  
釋重懲誣告以杜訛言恐日久又涉因循查緝首逆  
實不可緩甫降旨頒示賞格卽據署總督章煦奏報  
獻縣知縣張翔拏獲大逆馮克善此賊同林清李文

成內應外合狼狽爲奸共圖大逆詭稱三皇總統八卦罪大惡極今得全獲餘賊不難辦理指日收復滑縣事卽大定矣大兵圍攻已四十餘日宵旰殷懷無時或釋欣於十二月十二日亥時那彥成高杞楊遇春由六百里加緊具奏初十日辰時攻破滑縣生擒首逆牛亮臣徐安輞併賊匪二千餘名殲斃幾及二萬餘名救出被難良民二萬餘人自九月初六日逆

賊殺官刦獄聚衆滋事又加以禁城之變內外籌幾  
實屬竭盡心力幸獲平定此

天恩垂佑者十也

滑縣城大而堅賊匪恃以爲固官兵  
圍剿數旬未拔十一月廿八日接章

煦奏拏獲從前鉅鹿縣大乘教內監犯李經之子李  
秋製造旗號詭稱李盛元爲佛爺令田克歧散旗糾  
衆謀逆初二日又據同興奏獲犯宋躍隆供首逆馮  
克善已逃出滑城現在直隸境內降旨密拏嚴辦卽  
據章煦奏獻縣知縣張翔偵知馮克善在該縣冉家  
三角村詭裝賣藥會同把總馮雲鶴典史吳楷前往  
拏獲該逆自稱地皇林清自稱天皇李文成自稱人  
皇元惡巨魁已無漏網所未獲者僅黨同謀逆之牛

亮臣徐安幘諸人十二日亥刻那彥成奏到已於初十日卯時將地雷轟擊滑縣南門坍塌二十餘丈那彥成督同楊芳桑吉斯塔爾由左首攻上楊遇春由右首攻上冒烟衝突西門地雷亦發官兵雲梯齊上飛越城垛自卯至酉殺賊九千餘人生擒二千餘人投出難民老幼男婦二萬餘人又後一日始將賊匪佔據之處全行攻破逆首牛亮臣徐安幘藏匿地窖經副都統格布舍遊擊李士林等先後拏獲逆首眷屬一無逃漏事連數省惡稔三年命將行師甫及十旬卽臻平定自思涼德藐躬詎能及此苟非由

上帝垂慈曲加赦

予小子承

宥何以能至是乎

天

考恩命愛育蒸黎不幸值此厄運內外交訌實屬罕聞  
較諸川陝教匪似小而實大昔之劉之協等皆以官  
逼民反爲詞今之林清等竟欲謀危社稷分佔郡縣  
伏於蕭牆之內猝不及防禍烈計狡實未料及三月  
之內能定此事故敬述

天恩虔誌感戴之寸誠耳然滑縣雖復餘孽未淨非敢  
窮兵構患實恐蔓草爲害也著名之逆犯尙有數十

名未獲若任其潛藏不實力捕捉又恐勾結零匪復滋後患此實不得已之苦衷爲一勞永逸之計敬祈天佑迅就擒縛安我良民誠至願也轉瞬新春啟甲民物蕃昌臣工果能盡職可望治平予惟益勉敬勤兢兢業業始能永承

天眷保國保民爰命軍機大臣排日編纂仿照平定臨清逆匪紀畧詳述始末昭示後世書成卽以此紀

恩之實語并諸簡端不必又作序矣

天章

御製文

致變之源說

禁城之變必有本也夙夜思之蓋有故焉夫宋家莊  
一亂民本無惡不爲一棍徒耳非有才德能感化人  
心亦無邪術能混人耳目惟利口濶翻妄談怪誕假  
劫數以惑癡愚遂其大逆之謀而已愚民聞約而從



不顧後患者何也祇圖目前之小利所謂窮斯濫矣  
舍生就死而不恤也百姓困窮爲致變之源而其本  
又在州縣亦多困窮無暇撫字也治亂繫於州縣必  
先有守而後有爲今則或困於虧缺或困於民欠或  
困於攤捐有此三困難爲清官矣官不清則民不畏  
挾制控告首足倒置罔上之念非一朝一夕之故其  
所由來者漸矣罪至於謀叛刑至於凌遲無可再加

而民不畏者不識尊卑不知利害也官有廉恥必有  
操守方可言化導禁令今之時勢官民交困悠忽度  
日難言操守民反制官若不竭力振作患將未已也  
邪說誘民總以利動其貪心貪心起則無惡不作矣  
督撫大吏誠能培養州縣使無匱乏然後責以治理  
獎善懲貪至公無私民心愛戴者爲上等畏服者次  
之怨聲載道者去之經正民興未有不可教訓之民

皆是不能教訓之官耳官困必取之於民民窮則邪  
慝作一定不易之理也百姓足君孰與不足此理財  
之要道也橫征暴斂所損益大矣禁城之變深感

天恩佑國除邪彰明顯著朕若不知敬畏不勤政事

天必降災內外臣工若仍挾詐懷私因循觀望欺朕甚

易欺

天甚難身家性命立時瓦解矣內外臣工信朕之言是

朕大福不信朕言是朕之大不幸亦諸臣之大不幸也願諸臣以實心行實政以實力保國家成全朕一片苦心幾篇絮論或可稍贖前愆勉收後效朕有厚望焉

原教

古先聖王敬敷教化君臣父子夫婦昆弟朋友秩然定分不可紊也德禮以道之政刑以齊之日用飲食

之間無非教也孝弟忠信禮義廉恥爲教之大綱士農工商各勤其業漸臻於不識不知順帝之則共成熙皞之世此教之效驗也承平日久生齒日繁物價騰貴游手之民不遑謀食加之以官多疲玩兵盡怠傭文不能辦事武不能操戈頑鈍無恥名節有虧朕遇斯時大不幸也中外已成痼疾自不知教焉能教民而邪教從此而起矣始以造福逃劫引誘癡愚終

歸於滅絕人倫謀反大逆因邪教聚不逞之徒肆行  
無忌愍不畏死雖嚴刑峻法視爲泛常奈何風俗頽  
壞至於此極豈不痛哉蓋由朕乏知人之明而又心  
存姑息去位復用者指不勝屈以致寡廉鮮恥之徒  
在任者不肯實心去任者不知畏懼以僞亂真悠忽  
度日此實朕德之不脩教之不正君不正臣亦多偏  
無怪乎邪教接踵而起皆朕不正羣臣之咎而內外

臣工亦各有不能正己之處焉能去邪黜僞乎脩己以治百姓我君臣各思奮勉或可挽回汙俗稍葢前愆於萬一耳奸民倡爲邪說煽惑愚民其經卷鄙俚不通俗陋已極不但諸子百家難相比擬卽佛經道錄亦去此遠甚其年號皆前明之時竟係彼時亂民所造潛藏窮鄉僻壤未能搜出焚燬貽害至今日也去邪教以遏亂焚邪經以滌源是在良有司正己率

屬誠心化導使民知正教之益邪教之害漸歸於倫  
常禮義矣邪教惑人惟一利字愚民見利忘義貪利  
忘害徇利亂常趨利迷心至於罪大惡極雖死不悟  
皆圖利耳誠能實心治民先養後教庶民具有良心  
斷無不改悔之理是在吾君臣昌明政教勤正愛民  
心誠求之其庶幾乎

行實政論



季秋禁城之變非浮言泛論所能弭必以實心行實政庶幾補救於萬一也幾暇靜思其故總因窮困而起始則鼠竊狗偷繼以踰垣肆劫終於謀反作亂其心爲救急度命耳加以王畿雜處不肖混跡倡立邪教妄言刼運揭竿而起直入禁城亂民罪大惡極固不待言而潛匿近畿往來約會自十六年夏季林清卽造謀定於今歲九月十五日起事先搶官禁次刼

京城旣得此地皇上必避往關東如此逆謀已三年  
之久朕竟不能知實深慚愧實切痛心國家設立王  
公文武大臣以及侍衛章京不下千員八旗步營將  
弁兵士幾及十餘萬人竟無一人出首者嗚呼痛哉  
若云實不知覺是欺

天矣總由泄沓成風苟且從事悠忽度日怠玩居心視  
國事漠不相關積陋習牢不可破窮本探源總因予

之德薄才疎心存姑息水懦民玩予之咎也書云威  
克厥愛允濟傳云猛以濟寬欲起廢策殫非共奮精  
神大加振作不可問矣內外臣工勿慕虛榮而貽實  
禍勿保一時之爵祿而遺萬古之臭名盡心致敬實  
政力行激天下忠良之氣挽向來玩愒之風勿以習  
俗爲不足憂勿以廉恥爲不足惜民風之淳薄軌物  
之廢興實開繫於吏治之勤惰也禮教旣弛於平日

人心久溺於非幾忠孝廉節斥爲腐談詐僞刁頑習  
爲秘計脩禮明教秉正抑邪此實今日刻不可緩之  
急務也我朝

龍興東海定鼎燕京八旗勁旅一可當百今居舊土之  
兵嫻熟騎射未致廢弛而從居京師者僅健銳火器  
二營日事操演畧覺可觀若前鋒護軍驍騎諸營雖  
有其名而無其實軍器鈍敝技藝生疎歲糜帑項幾

及百萬而管理諸王大臣不知教訓不勤練習除挑  
補差缺之外一槩漠不關心實屬可詫予苦口訓誨  
置若罔聞嗚呼痛哉無事則安坐而食有事則潛匿  
畏葸試問我八旗子弟有是理乎然十五日捕賊奮  
勇仍藉我八旗子弟捨身盡力全數殲擒不患兵之  
不精但慮諸王大臣不以實心行實政耳誠能勤求  
家法率由舊章簡拔俊雄汰裁冗怯務使人人知方

有勇能執弓箭刀鎗則處常可壯干城遇事卽成勁  
旅屏藩旣固烏有殄行驚師之變哉望諸臣皆以實  
心行實政勤敬公慎顧惜廉恥智者竭其謀勇者盡  
其力上報

皇天

列聖垂佑之恩下挽愚民流風汙俗佐朕中興之治俱  
爲盛世之忠良補今時之重咎垂奕代之勲名是予

至願也

書裕豐獲咎事

去秋賊入禁城非常大變朕思謀逆已有二三年之久勾結亦有數百人之多京城內外官員旗民竟無一人舉首誠不可解矣

列聖一百七十餘年養育深恩竟無一人念及朕惟有

仰

天揮淚而已今幸內安外靖民氣漸淳仍有未獲逆犯  
祝現等七十餘犯屢命嚴緝尚未就獲祝現係豫親  
王府屯居包衣二月初聞有在府中潛匿之說朕意  
斷無此事然世風卑下人心澆薄恐亦不免竟有意  
外之事因加密訪得有端倪乃命英和捕獲祝海慶  
三人始悉原委案情畢露矣癸酉季秋八日海慶  
在桑堡遇見嵩山密告祝現同林清陳爽等於十三



日會齊十五日進城造反之事海慶連夜回京卽告  
知佐領善貴護衛拜綳阿拜綳阿卽於初十日密稟  
裕豐孰意視爲泛常寂然不動仍令補寫呈詞出具  
甘結試思海慶三人不過王府微末員弁一聞此信  
卽行稟訴惟恐不及乃裕豐從幼襲爵受我

皇考復還親王

天高地厚之重恩陡聞此信卽應立時具摺由驛速奏

十一日可至行在朕立遣大臣究辦渠魁可獲逆謀  
可消卽不能全數就擒斷不致突入禁城而裕豐居  
首功受上賞其勲直與乃祖等矣卽或計不及此亦  
應速告留京王大臣或管理宗人府王貝子公或都  
統或提督彼若具奏功仍歸裕豐倘若沉擱咎在彼  
而不在裕豐不意因循疲玩釀成大變此裕豐重罪  
一也至十五日午時逆賊犯門斬關諸王大臣皆進

內日夜守禦直至朕回宮後始命歸家而裕豐於十六日潛回府第拜紉阿等以呈詞具稟又不具奏乃云事已至此權且收存不必張揚是何言歟彼時逆犯皆未就獲若早呈出亦可速擒伏法以誅心之論責之百口難辨百身莫贖矣此裕豐重罪二也自九月至三月隱匿原告在府不令彼查拏祝現及至官訊海慶得實尚不請罪朕差莊親王及英和至府查

起原呈仍不請罪具何肺腑敢於如此親王雖尊未必大過皇帝太不知分量矣此裕豐重罪三也此非朕欲加之罪過刻之論實據事直書無一字虛假也嘗觀宗室王公功績表傳乃祖豫親王多鐸智勇超羣勲猷卓越定鼎京師收復南京後以睿親王事株連降封信郡王至乾隆四十三年正月

皇考特命追復親王及封號並配饗

金史卷一百一十五 列傳一百一十五  
太廟豫親王實開國功勲之首朕敢不敬體

皇考仁心保全其後裔乎裕豐雖失維屏維翰之道國家原有議功議親之典况天潢同派亦不忍自翦枝葉也除明降諭旨治裕豐之罪朕保全宗族之心不可不明示諸王大臣能改因循積習者爲國之楨幹不改者聽之而已

天人交感說

人君爲

天之子撫育蒸民惟恐失所如保赤子斯爲盡君之職  
臣工輔弼抒忠愛民化俗殫心竭力斯爲盡臣之職  
君臣各盡其職庶民順則安常上感

天和則風雨時百穀茂屢豐之樂皆人之自召也人君  
代

天宣化呼吸相通如形召影如響應聲誠信不移必蒙

眷佑可感可畏也敬觀今春直隸山東河南三省雨澤  
霑被分寸益信而有徵矣去秋變異始自林清勾結  
山東河南同教凶孽俱定期於九月十五日午時同  
入禁城造作大逆幸兩省先後破案生擒李文成崔  
士俊事雖在彼謀則在此也曹單滑濬一帶良民被  
賊焚殺賊黨被兵誅剿不下十餘萬而今春兩省雨  
澤透霑麥冬雙穗其故何也緣首逆欲圖危社稷賴

賢牧令立破其計臣能盡職民悉無辜

上天垂佑錫以豐年理之顯著者也京師爲首善之區  
宋家莊逼近南海子林清造謀已三年之久予及諸  
臣不知不覺可慚可恨雖治吉綸鄒炳泰溫承惠之  
罪其實皆予一人之罪何則用人不當失律殃民予  
豈敢自解亦無辭可解也今春及夏雨澤愆期麥收  
無望皆我君臣失職之咎邪黨潛匿未除



上天示警三輔旱荒曷敢不惕虔修省挽回

天意嚴捕餘孽救我良民存遇災而懼之心去因循疲  
玩之念感召

昊恩立施渥澤心誠求之理不爽也心者萬端之主宰  
百體所從令君心正而天下莫不歸於正人心既正  
天心必應是在人人自正其心效驗立見上感

天心下孚民志觀乎今春豐歉景象尚不知感知懼則

是心同木石不可與言交感之實理矣予惟自省修德敬待

天恩而弭邪慝庶可感召祥和豐登有象是誠奢望而不敢期其必然者也

實心行政說

以實心行實政則治否則亂一身一家推而至於朝廷天下總不外乎務實也方今大弊官無實心民多

金匱要略卷之八  
四  
僞詐官則因循怠玩民皆譁張爲幻上下不交寡廉  
鮮耻不但不能遵守朕訓甚至奸徒醜詆竟漠不關  
心毫無動念誠怪誕之極矣身家念重國政念輕以  
實心爲國則流芳百世否則貽臭萬年人生上壽不  
過期頤旣出仕於朝廷而又甘居庸碌悠忽度日是  
誠何心哉聖賢心法祇一誠字誠者真實無妄之謂  
試問諸臣能致誠乎能無妄念乎恐未然也小人之

德草在上位者實心旣少庶民妄想必多始而歛錢  
惑衆尙屬小妄想馴而至於揭竿作亂則大妄想動  
矣自古亂賊稱王稱帝者有之從未聞有僭上古三  
皇之號者是世道人心日趨汙濁我君臣旣爲斯民  
之長豈忍不盡心竭力鞠躬盡瘁補救於萬一乎若  
旅進旅退惟利是圖同乎流俗合乎汙世自思後代  
評論爲何如人當必汗流浹背矣諸臣盡一分實心

國家受一分實福民生免一分實禍承上接下惟諸臣是賴唐虞庶績咸熙皆岳牧贊襄之力也朕多失德故遭去秋之變听夕不能去諸懷孜孜求治曷敢懈弛諸臣近日漸忘斯事召對之時又云無事矣嗚呼餘逆未擒謠言煽惑側席不遑尚恐怠忽忍心言無事乎是可忍也孰不可忍也朕以實心著實說遍誥朝宇以實心行實政之良臣必能副朕實心從朕

實說若不能領會謂朕之言無關緊要者是誠頑石  
不若不可與言而與之言失言之咎在朕欺飾詐僞  
之名難逃史筆也忠奸之辨在實僞二字之分清夜  
捫心不言而喻矣

御製詩

還宮紀事

陡遇非常變惕思予咎深雖逢肆逆事不改愛民心

官吏習誠敝冥頑孽自尋餘邪尚未淨大憝已成擒

河南滑縣起天理教匪直隸長垣山東曹縣俱有蠢動擾害之警此九月初旬事也卽命督臣帶兵剿捕誅鋤邪孽正所以安我善良茲忽有逆匪七十餘於十五日突入紫禁肆逆實屬非常之變當經擊斃擒捕淨盡其逆首林清在黃村傳教亦經英和等派兵役拏獲審訊供認謀逆不諱我國家

列聖相傳

深仁厚澤愛養黎元朕纘承撫御鞠謀率育時亶一心乃有此不法之徒逞其大逆出諸意外昨已頒明詔責躬省己勉勗官常朕不因此異類么麼稍改愛民之素志惟冀上天鑒臨賜佑不日餘邪盡滅消此妖氛茲當還官紀什書其大畧如此

赤子誠澆薄

蒼天定鑒臨修身待

帝佑勤政寸衷欽

責已述懷

省躬多罪戾異變事非常惡逆犯宮闕冥頑干憲章  
羣凶搗齊豫隱隱伏蕭牆德薄致災重椎心籲

上蒼

齊豫騷動闕下震驚惟椎心揮淚宵旰  
仰求 上蒼赦罪此外無可言矣

御瀛臺北門親訊大逆林清從犯劉得財等詩以



誌事

皇清開國承

上蒼卜世卜年景運長首善之鄉伏大逆爲鬼爲蜮逞

凶狂犯門斬開揭竿起勾結刑餘謀益詭

天雷下擊賊膽寒殲盡匪徒禍立弭

九月十五日逆匪突入禁門事起倉

猝實乃非常變異猶幸仰蒙

祖考德厚

昊佑眷深得以危而卽安禍亂立弭朕於十九日  
回蹕宮禁肅清九衢安堵逆首林清先經金吾於黃  
村擒獲其從賊亦先後搜捕無遺茲於廿三日御瀛

祖

臺北門親加訊鞠明正典刑經部臣審訊助逆刑餘  
劉得財供出逆賊以大白旗爲號十五日傍晚正當  
擾亂之際忽聞天雷下擊急雨作陣所執白旗  
立時分裂諸逆賊膽寒悚懼匿於隱僻以待搜擒乃  
得巨惡小醜一無漏網可見此等凶逆天理不  
容故令雷霆陣雨於冥冥之中先殛其魂俾得  
顯伸國法爰命皇子敬於雷神廟時應官升香  
展禮虔申感謝悃忱惟是朕省躬修己何敢以災沴  
已稍稍弛兢業爾諸臣亦當勤襄政治交儆  
明良則我大清鼎祚億年永慶安恬之福矣  
巨惡小醜皆就擒廷訊宣諭安衆心昏頑煽邪總予咎

考德厚

吳佑深痛定思痛斯何事咨爾諸臣不我棄實禍否塞  
竭挽回遇災修省先政治

有感五首用唐杜甫韻

盜賊乘虛入因循積有年罪愆深一已拯救咸

高天雖靖京畿內猶屯齊豫邊王師指日集剿戮望騰

騫

蕭牆結蜂蠆城郭聚豺狼執刃禁門犯揮旗魏闕望  
才疎枉食祿德薄愧垂裳泣感

帝恩厚抑陰扶正陽

西旅二千至京兵四隊均集軍大名郡滅賊小陽春  
自省衷多咎勉修德日新誠心感

祖佑苦口飭羣臣

前因逆賊嘯聚大名府屬之長垣縣  
一帶卽檄調陝西駐防兵一千甘肅

督標兵五百河州兵五百東來會剿又派香山健銳  
火器兩營兵各五百分作四隊前進日前接河南撫

臣高杞奏到連次得有勝仗已將濬縣滋擾之賊殲斃生獲數千人乘勝攻剿滑縣屯聚匪逆昨又據同興奏到山東曹縣亦得勝仗並俘獲著名賊目事機順利一俟大兵四集計十月內即可掃蕩全畢此次賊匪肆擾朕惟責躬自省而內外諸臣因循怠玩以致釀成事變咎亦難辭前疊降詔旨苦口訓誡並將年老多病及辦事錯謬諸臣罷退斥責惟期我君臣勉自修德以仰答  
慈而  
已

上帝恩佑

祖

考垂

玩愒政無紀疲庸俗敝彫從來未有事竟出大清朝  
肆逆官牆近豈同邊檄遙感祈

吳慈溥定亂及春韶

斥放皆昏耄用人再不疑開誠言已定報國志毋遲  
勉作有爲事勝陳無謂詞寸衷感

考澤側席撫瘡痍

盼信

去歲罹患深追思尙心悸林清李文二元凶大逆毒

成

欲肆三省互牽纏竟欲窺神器泣感

天

祖恩內外普蔭庇滑臺羣醜屯三月咸傾棄著名數渠

魁或殲或生致

自九月十七日擒獲肆惡大逆林清嗣於司寨殲斃李文成劉惲明於獻

縣緝獲馮克善於克復滑城生擒牛亮臣徐安惲殲斃宋元成此皆著名渠魁俱未倖逃法網其餘得受偽封如壽光德劉宗順馮相林王道濫尹振等或臨陣殲除或生擒伏法其伏而未動者往往自行敗露並無一名兔脫此等敗類覆載不容仰賴

天

祖深恩邪氛迅掃惟有感泣而已

方幸千

戈停陝境亂民恣攘奪因歲荒奔竄南山地亟命移

雄師精銳六百騎宿將統千城有勇善謀議渴望一  
鼓平賊除徧安遂听又盼捷音

吳眷西土被

去歲陝省秋收歉薄岐山縣因有亂民倂  
授奔竄蓋屋鄆縣先派督臣長齡撫臣朱

勲統率鎮將就近剿辦復派久歷戎行之宿將楊遇  
春率領吉林黑龍江精銳六百騎馳往會剿該疆臣  
戎帥皆威望素著今以得勝之兵洗烏合之衆不難  
一鼓蕩平俾西土早安良善此予听又虔祈於  
昊蒼之眷  
佑者也

陝甘總督長齡奏報生擒首逆萬五餘匪即可蕩



平情形詩誌感慰

南山聚不逞設伏獲元兇

陝省賊匪滋事節經命將督兵剿辦本日據長齡楊

遇春朱勲等奏報三才峽首匪萬五被剿窮蹙竄入太白老林經總兵吳廷剛跟蹤追捕長齡等復派副將達凌阿叅將丁永安帶兵星夜前往辛口峪圍剿十二日酉刻趕至老君嶺探知萬五股匪被追勢蹙乘夜東奔達凌阿等因于寬溝口分段設伏十三日已刻該匪果由老林逸入伏兵齊起立斃賊百餘名萬五左腿鎗傷二處旋被帶去眼目蓋厓縣役江貴認明卽時生擒並擒獲旗手向得勝等二十餘人餘匪悉數殲除現在大兵雲集所餘分竄各股俱已膽落我兵分撥剿捕可期尅日蕝事因將吳廷剛交部

優敘達凌阿丁永安均加陞銜仍予優敘縣役江貴  
賞八品頂帶以外委卽用並命將萬五傳首南山一  
帶從此民心大定永戢兵鋒  
實仰荷 天心之眷佑也 已殄豺狼首易搜狐兔

蹤民心全鎮靜

天意戢兵鋒叩感

慈恩浩虔祈雪澤濃

昨十九日春後上辛恭展 祈  
年大祀卽得陝省捷音惟去冬雪

澤未霑今已時屆立春尤爲亟盼不置蓋北方氣候  
較遲本年又值二月置閏日內若得膏澤濃敷正當  
春疇舉趾之時東作有資可  
期豐稔惟有同深叩顙而已

陝甘總督長齡奏報提督楊遇春剿捕逆賊麻大

旗劉二全夥淨盡詩以誌事

亂民無故逞戈鋌名將西征士氣堅三窟難藏小醜

淨千軍齊奮大旗寧

正月二十七日據長齡等奏到陝省逆賊麻大旗劉二股匪二

千七八百人竄至隴州屬桃花坪經楊遇春於十七日帶兵追殺一百餘名訊知該匪夥內前次分出之李大旗楊小一一股共二千餘人現已折回合夥官兵於是日五鼓追至柏楊嶺是處兩山夾峙依傍老林中通路逕賊匪分屯嶺上望見官兵仰攻率衆下撲楊遇春率同總兵游棟雲督兵痛剿殺賊二百餘

名天色漸曉我兵馬步隊分路抄左右山梁進攻楊  
遇春親督官兵由中路直上麻大旗劉二持矛抗拒  
經都司趙起貴等立時戳斃官兵一擁而上殺賊一  
千七百餘名擒獲一千四百餘名並將賊目李大旗  
楊小一二人殲斃又生擒大旗賊目張萬興等五名  
小旗先鋒七十餘名搶獲騾馬七百八十餘匹礮械  
無數此股賊匪殲除淨  
雄師南至屯洋縣  
萬五業已

就誅其餘匪經長齡等派祝廷彪追剿賊匪由洋縣  
躡淺過江窺至南岸八寶臺地方成都將軍賽沖阿  
在河縣聞報卽日帶兵  
勁旅東防固豫邊  
尤九陳四

一股經吳廷剛追至寧陝屬之木瓜坪冒雪直抵賊  
營攻斃七百餘名生擒四百餘名並獲偽元帥尹朝

貴等餘匪分起東竄復經叅將張起黿趕至黃草坪  
殺斃三百餘名現在餘匪竄往鎮安寧陝交界地方  
派總兵馬元帶兵馳往剿捕又有滑縣凱徹過陝之  
兵卽命長齡添撥由東面兜截一面再檄南陽鎮總  
兵呢瑪善帶本鎮雄兵前赴陝豫交界處所多設偵  
探以防爲剿通計大股賊匪皆已剪除所餘僅殘敗  
竄匪茲四面皆有大兵自可卽日搜捕蕞事惟望  
上天垂佑捷音得以早至使我民永獲安定爾  
四面環攻指日定安良除莠籲

皇天

成都將軍賽冲阿奏報截剿過江竄匪楊榮大股

淨盡全境肅清詩誌感慰

兵機貴神速大帥自南來逆賊肆勾結雄師迅蕩摧  
衆村被滋擾一鼓掃氛埃捷奏連朝至感叨

天眷培

昨廿七日接據長齡奏報陝賊屢經剿敗有奔

鼠洋縣偷渡漢江南岸軼入川省邊境者成都  
將軍賽冲阿在沔縣聞報帶兵堵剿本日據賽冲阿  
奏正月十九日在木竹壩地方擒獲賊首僞元帥楊  
榮僞先鋒孫應材李定興等及大小頭目十五名共  
殺賊四百餘名滾岩跌斃者百數十名訊出楊榮湖  
南澧州人去年臘月在盤屋縣境與楊二合夥由板  
房子一帶焚掠共是五號楊榮係青號頭子本年正

月先至洋縣滋擾又由金溜子偷過漢江與綠號頭子苗小一合夥共有二千餘人賽沖阿因聞知賊匪竄過漢江肆擾卽兼程由僻路繞至南面以遏其入川之路時賊匪由三郎鋪白河峽晝夜兼行偵知官兵所向卽前往茶壩老漁壩一帶意圖南竄不料官兵猝至該匪等佔踞山梁負嵎抗拒賽沖阿派叅將朱承受等帶四川省標官兵由左手衝擊遊擊余步雲等帶松潘鎮標官兵由右手山梁壓下賽沖阿親率成都滿營及川北鎮標各兵弁在前衝殺有在山梁指揮抵拒之賊首當被外委任朝勝拏獲餘衆悉數殲除並放出被脅難民一百七十二名其綠號匪衆苗小一股中途聞信逃回原路賽沖阿現督官兵親往躡捕所有軼入川境股匪皆已肅清連日踵得捷音皆由

吳慈眷佑予心曷勝感誌

陝甘總督長齡奏報總兵祝廷彪截剿東竄餘匪  
生擒首逆陳四總兵吳廷剛痛剿尹朝貴餘匪  
兩股淨盡東路肅清各情形詩誌感慰

天心厭亂戢戎兵兩鎮據忠偉績成東竄餘氛已盡掃

西逃殘賊必全傾

陝省賊匪陳四一股前經總兵吳廷剛等將僞元帥尹朝貴擒獲餘

匪分股東竄又經叅將張起鰲追至黃草坪痛加剿  
殺逃逸已無多人二月初五日接長齡等奏陳四自  
剿敗後卽復與尹朝貴股內零匪合夥隨處裹脅又  
得千餘人由老林東竄仍分二股吳廷剛因緊跟尹



朝貴零匪祝廷彪緊跟陳四股匪探知該逆等欲由金竹園乘夜逃赴石泉祝廷彪卽督兵窮追至手扳崖逆賊佔踞山梁抗拒官兵前後圍攻自辰至酉殲斃賊匪三百餘人生擒二百五十餘人次日賊等詭稱投首我師乘此賺入賊隊認明賊首分兵設伏舉礮爲號四路剿殺把總李明舉胡貴遂生擒陳四及僞先鋒劉朝品汪正榜等其餘全行殺斃吳廷剛追捕尹朝貴零匪行至賀家灣該匪無路逃竄負山爲固抵拒甚力經叅將張起鰲守備詹玉彬分隊夾攻該鎮親督官兵抄出賊後三面進剿殺死二百餘名生擒一百十八名此兩股全數淨盡據賊黨趙文斌苟紅張老么供明三才峽起事時陳四寶自爲一股滔天首惡日久稽誅茲幸官兵奮勇使渠魁就縛東路已見廓清惟楊遇春現辦西竄賊匪龔貴一股寶

雞縣東河橋又有不知姓名賊匪現已入山意圖赴隴我師乘勝剿捕不難指日掃除天佑大清永

綏兆姓惟深

雄師共奮千城勇大將同叨晉爵榮

祝廷

威顯而已

彪吳廷剛俱賞加提督

指日南山奏平定感承

銜仍交部從優議敘

吳貺佑皇清

成都將軍賽冲阿提督楊遇春會奏殲斃首逆苗

小一搜捕零匪即可蒞事詩誌感慰

西蜀兵來速將軍勇畧超一旬威迭奮四號賊皆消

蕩滌餘邪盡恩施偉績昭

陝省賊匪自盤屋起事時

卽分多股由老林一帶肆

擾偷渡漢江意圖入川前據賽沖阿奏屢次堵剿連獲勝仗已將青號首夥撲滅其綠號苗小一股由老漁壩間信竄回洋縣原路經賽沖阿督兵躡捕先將紅號偽總兵羅懷等擒獲伏法本日又據賽沖阿楊遇春會奏賽沖阿一路官兵於正月二十九日追至月亮坪將苗小一陣斬繼獲活賊李大旂何貴等認明確實傳首示衆並將餘匪生擒殲斃其逃竄者已無多人現在分投搜緝西竄之賊原有青藍紅綠四號股匪裹脅不下四千餘人出沒無常分合不一內苗小一尤爲猖獗今經該將軍於旬日之內窮追二千餘里連接五仗將四號匪徒誅殲淨盡偉績可嘉已降旨晉封二等男並令查明出力將弁俟奏至

分別陞賞矣楊遇春原追辦龔貴一股聞苗小一有  
狂竄之勢分兵探蹤抄截及行至華陽與賚冲阿相  
遇知苗小一逆黨已除楊遇春仍取道入棧剿辦龔  
貴匪孽又有另股賊匪吳抓抓吳瘋子等亦經總兵  
楊芳等乘勢剿除賊匪西竄勢重股數較多今已迅  
速掃除其餘無難指日洗滌良民各安生業共底蕩  
平實深感  
天  
恩  
考佑也  
卽欣民復業

天

考澤敷饒

陝甘總督長齡提督楊遇春巡撫朱勲奏報剿捕

龔貴餘匪淨盡陝地肅清詩誌感慰

秋杪肆猖獗季冬復滑城

蒼天垂佑庇小醜漫縱橫

去歲九月初教匪假擾長垣同時響應蠢動者山東曹州

之曹縣定陶河南衛輝之濬滑二縣而首逆林清則藏匿京畿暗中勾結竟至有闖入禁廷之事仰荷

上蒼垂佑林逆卽時就擒餘黨亦皆伏法其前在齊豫者節經命將出師陸續殄滅大股賊匪佔據滑縣城中經那彥成等分路圍攻至十二月克復滑城遂卽全數剿淨

北闕甫除賊南山

又弄兵木廂羣作亂鐵騎再移征蜀徼雄軍接陝邊

勁旅盈孽深不可活師出豈無名

陝西岐山縣匪徒楊二萬五等原在

木廂營生緣歲荒乏食於去年十一月糾衆搶掠經陝西巡撫朱勲入奏旋命陝甘總督長齡督師剿辦各逆賊因官兵搜捕緊急竄入南山隨處裹脅股數日多時近畿業已蕩平前調陝西提督楊遇春正奏膚功卽令率領得勝官兵並吉林黑龍江勁旅赴陝協剿又命成都將軍賽冲阿統帥川兵分投堵緝此等賊匪孽由自作甘外生成戢暴興師實皆出於不得已耳五號徒滋擾一麾盡

蕩平搜林奮虎豹掃穴捕颺颺溝壑蹈何苦癡愚罪

自傾良民遭刦掠勇將沐恩榮

陝匪經官兵痛剿分股奔竄有意圖入川

之勢旋據賽沖阿奏於旬日之間追逐二千餘里接  
仗五次殲獲甚衆同時五號賊匪俘斬無遺本日又  
據長齡等奏逆首龔貴股匪分路向徽縣兩當逃竄  
嗣聞官兵追剿復合爲一股意欲逃往階州特依順  
保卽取道利橋扼其去路並令該處都司劉夢龍先  
赴三岔堵截副將何占鰲帶兵跟追趕至太寧溝腦  
老林經遊擊劉印景都司杜縉胡超等鎗箭齊發立  
斃賊五百餘名拏獲活賊男婦四百餘名逃匪數百  
名直奔利橋適特依順保劉夢龍亦由三岔進攻三  
路合兵復殲斃二百餘名生擒賊目十一名並活賊  
三百餘名兵丁張文等將龔貴生擒並獲其妻龍氏  
復令活賊認出賊首向小一割取首級此股賊匪全  
數搜拏淨盡又據奏楊芳游棟雲於二月初八日將  
吳抓抓分出另股之張占鰲追至徐家溝石家嘴等

處先後殲獲九百餘名把總熊陞兵丁羅得勝將張  
占鰲戮斃卽令活賊指認屬實所有成股賊衆俱已  
辦完陝境肅清現今各路搜捕逃匿零匪除賽冲阿  
前已施恩外長齡卽賞騎都尉世職並賞花翎楊遇  
春前在滑縣立功已封二等男茲晉封一等男特依  
順保陞授黑龍江將軍仍與楊芳游棟雲等同交部  
議敘其餘在事文武出力官弁兵丁甄敘賞賚有差  
並諭搜捕事竣後賽冲阿凱撤回川長齡楊遇春等  
先後入覲計陝省賊匪滋事距茲兩月有餘幸將帥  
弁兵皆能用命遂得一舉剗平此錫命酬庸之不容  
稍緩也

復業安耕鑿凱旋息戰爭

吳慈昭溥博感謝本衷誠

妖邪倡亂致干剪滅實由自  
取而良民猝被釋騷不能各



安生業殊爲可閭猶幸迅掃邪氛蔽功完善從此胥  
安耕鑿永息戰爭與我民共享太平之福此皆出  
吳慈眷佑俾我君臣共底無疆  
之庥感謝私誠固非楮墨能盡矣